



State of Wisconsin  
Department of Health Services

Tony Evers, Governor  
Andrea Palm, Secretary

---

**TXOJ CAI YUAM KUB CEEV (EMERGENCY ORDER) #3**

**KEV TXWV TXIAV PEJ XEEM COV KEV SIB SAU UA KE**

Lub Xeev Wisconsin tab tom muaj tus kab mob COVID-19 tua neeg tuag, tswj tsis tau thiab kis neeg mob coob heev tshaj plaws. Lub Xeev yog lub kis muaj tus kab mob COVID-19 kub heev tshaj plaws hauv lub teb chaws, thiab tsim nyog muaj cov kev cuam tshuam txoj kev sib kis kom qeeb thiab txoj kev neeg tuag los ntawm tus kab mob.

Vim tsis muaj tshuaj txhaj tiv thaiv kab mob, tib co kev pab txo kom txoj kev sib kis tus kab mob COVID-19 qeeb yog looj daim ntaub npog ntsej muag thaum tawm mus poo nrog laj mej pej xeem, nyob sib nruv deb rau xib taws ntawm lwm cov neeg thaum twg koj tawm hauv koj lub tsev mus, ntxuav koj ob txhais tes tas li, thiab nyob twj ywm hauv tsev ntau npaum li ntau tau. Yog tsis siv cov tswv yim yooj yim tiam sis cawm tau siav no, Wisconsin yuav raug muaj kab mob thiab kev tuag yam tsis tsim nyog.

Thaum thawj peb lub hlis uas muaj tus kab mob kis thoob ntiaj teb, (Peb Hlis-Tsib Hlis ntuj), thaum Wisconsin muaj cov kev cai yuam tsis kheev neeg sib sau ua ke coob thiab muaj Safer at Home (Nyob Hauv Tsev Nyab Xeeb Tshaj), Wisconsin tau muaj tag nrho yog 20,000 tus neeg mob COVID-19. Tiam sis, tom qab Fab Nom Tswv Legislature tau foob kom txiaiv tu txoj cai yuam Safer at Home (Nyob Hauv Tsev Nyab Xeeb Tshaj), uas Wisconsin Supreme Court (Tsev Hais Plaub Qib Siab) tau txiaiv tu rau thaum lub Tsib Hlis Ntuj Hnub tim 13, 2020, txoj kev sib kis tus kab mob raug neeg coob heev tshaj tuaj. Wisconsin cov 20,000 tus neeg kis muaj kab mob tom ntej tshwm sim hauv rau lub lim tiam thiab cov 20,000 tus kis muaj mob tom qab ntawd tshwm sim hauv peb lub lim tiam nkaus xwb.

Tam sim no Wisconsin yog qhov chaw kis muaj tus kab mob COVID-19 kub heev. Nws muaj cov neeg kis kab mob tshiab coob thib peb hauv xya hnub dhau los (17,641 tus neeg mob), uas tsuas yog California thiab Texas thiaj li muaj cov neeg kis kab mob tshiab coob tshaj xwb (thiab 6.8 npaug thiab 5 npag neeg pej xeem coob tshaj, teev sib law liag). Wisconsin puav leej yog lub xeev thib peb hauv lub teb chaws uas muaj cov neeg kis kab mob tshiab ntawm 100,000 tus pej xeem (303 tus neeg kis kab mob ntawm 100,000 tus pej xeem hauv xya hnub

dhau los), uas tsuas yog North Dakota thiab South Dakota thiaj li muaj cov qib coob dua xwb. Muab sib piv rau cov xeev nyob ib puag ncig uas muaj cov kev daws teeb meem ruaj chaws, Wisconsin txoj kev muaj neeg kis kab mob coob ntxiv (17,641) hauv 7 hnub dhau los yog muaj coob lawm ob npaug ntawm Minnesota cov neeg kis kab mob coob ntxiv (7,093 tus neeg mob) thiab Michigan cov neeg kis kab mob coob ntxiv (6,878 tus neeg mob) (Ntawv xov xwm New York Times tshaj tawm, Kaum Hli Ntuj Hnub tim 5, 2020).

Wisconsin yuav tsum siv tag nrho lawv cov tswv yim, nrog rau txoj kev nyob sib nrug deb thiab looj cov ntaub npog ntsej muab, kom txo txoj kev sib kis kab mob coob heev no qeeb. Yog tsis raus tes yuav muaj cov teeb meem puas ntsoog loj heev thiab neeg yuav tuag coob heev. Vim yog lub sij hawm thaum kis kab mob, ntsuas kab mob thiab thaum pom muaj cov kev mob tshwm sim, thiaj poob qab txoj kev suav cov neeg raug mus pw tuam tsev kho mob kho thiab cov neeg tuag. Tam sim no Wisconsin tau ntsib ob qho teeb meem loj heev no vim yog muaj neeg kis tus kab mob COVID-19 coob heev tshawj plaws rau lub hli dhau los no.

Cov chaw hauv tuam tsev kho mob tsis txaus rau tej ntu hauv lub xeev uas muaj neeg mob coob tshaj txhua txhia zaus los. Lub Xeev Wisconsin raug muab cais ua seven healthcare emergency readiness coalition regions (xya cheeb tsam npaj kev kho mob kub ceev) (cov cheeb tsam HERC), uas tswj xyuas kom cov chaw kho mob rau laj mej pej xeev, cov tuam tsev kho mob, thiab koom haum xub tawm mus pab tawm tsam li cas rau cov kab mob kub ceev thiab xwm txheej puas ntsoog;

Pib txij li thaum lub Cuaj Hlis Ntuj Hnub tim 29, txhua cheeb tsam HERC hauv lub xeev muaj cov neeg kis kab mob coob heev kawg nkaus (xws li coob tshaj 350 leej ntawm 100,000 tus pej xeev twg rau ob lub lim tiam dhau los). Thaum lub Xya Hli Ntuj Hnub tim 29, 2020, txawm tag nrho cov cheeb tsam HERC muaj cov neeg kis kab mob coob heev kawg nkaus (xws li coob tshaj 100 tus neeg mob thiab tsawg dua 350 tus neeg mob hauv 100,000 tus neeg twg hauv ob lub lim tiam dhau los), tsis muaj ib cheeb tsam HERC tau ntsib kev nyhav siab heev txog kab mob.

Txoj kev muaj neeg kis kab mob coob heev tam sim no ua rau muaj neeg pw kho mob coob heev tuaj. Thaum lub Cuaj Hli Ntuj Hnub tim 3, muaj 293 tus neeg raug pw kho tus kab mob COVID-19 nyob rau hauv Wisconsin. Ib lub hlis tom qab ntawd, Kaum Hli Ntuj Hnub tim 3, tus zauv no nce siab tshaj lawm ob npaug mus rau 692 tus neeg raug pw kho thoob plaws hauv lub xeev thiab muaj coob tshaj plaub npaug nyob rau hauv cov cheeb tsam Fox Valley, Qaum Xeev Sab Hnub Tuaj, Qaum Xeev Sab Hnub Poob, Qaum Nruab Nrab Xeev, thiab Sab Hnub Poob ntawm lub xeev. Cov thawj coj hauv tuam tsev kho mob hauv Green Bay, Appleton, Neenah, thiab Wausau tau ceeb toom tias chav ICU puv ntsawm

nkaus, raug xa cov neeg mob mus rau lwm cov tsev, thiab tsis muaj neeg ua hauj lwm txaus.

Nyob rau hauv rau lub hlis dhau los, muaj cov neeg tu xyuas cov neeg mob COVID-19 coob heev; tiam sis, txawm muaj neeg tu xyuas coob npaum twg los tus kab pheej kis raug rau cov pej xeem hauv Wisconsin coob heev tshaj ntxiv. Thaum lub Cuaj Hli Ntuj Hnub tim 4, kev ceeb toom qhia cov neeg tau tuag los ntawm tus kab mob COVID-19 hauv xya hnub dhau los yog muaj rau tus. Thaum Kaum Hli Ntuj Hnub tim 4, tus zauv nruab nrab no nce lawm ob npaug mus rau kaum plaub leeg. Hauv thawj rau lub hlis thaum muaj tus kab mob kis thoob ntiaj teb COVID-19, kev ceeb toom qhia cov neeg tau tuag thoob plaws hauv lub xeev yog 1,242. Muab sib piv, thaum lub caij nyoog mob khaub thuas influenza hauv 2019-2020, muaj 183 tus neeg tau tuag los ntawm tus kab mob influenza hauv peb lub xeev. Kwv yees tias yog cov neeg tuag zoo sib xws li ntawd, COVID-19 yuav yog tus kab mob tua neeg tuag thib rau nyob rau hauv Wisconsin hauv xyoo 2020 uas yog tom qab kiag kab mob plawv, kab mob qog nqaj hlaw cancer, cov kev raug mob uas tsis yog txhob txwm, kab mob hlab ntsws, thiab hlab ntsha hlwb tawg.

Txawm yog qib neeg tuag los ntawm tus kab mob COVID-19 yog 1.1% ntawm tag nrho cov neeg mob los, feem tuag taus muaj ntau zus ntawm cov laus dua. Nyob rau hauv Wisconsin, 23% yog cov tib neeg muaj cheeb tsam cuaj caum xyoo, 14% yog cov tib neeg muaj cheeb tsam yim caum xyoo, thiab 5% yog cov tib neeg muaj cheeb tsham xya caum xyoo uas kis tau tus kab mob COVID-19 tuag. Qib neeg tuag tag nrho qis dua vim yog tus kab mob kis raug pej xeem tsis sib luag rau cov neeg hluas dua uas 55% ntawm tag nrho cov pej xeem mob COVID-19 hauv Wisconsin yog ntsuas pom cov tib neeg hluas dua 40 xyoo thiab 92% yog cov neeg hluas dua hnub nyoog 70 xyoo.

Vim cov laj thawj no, kuv, Andrea Palm, Department of Health Services (Tuam Tsev Tswj Xyuas Cov Kev Kho Kab Mob Kev Nkeeg) tus neeg txib los Lis Ntaub Ntawv, ua kom tau kuv txoj luag num raws Article (Tsab Ntawv) I, Ntu I, uas yog ib feem ntawm nom tswv txoj kev teeb tsa los ntawm cov pej xeem kom ceev tag nrho pej xeem huab hwm cov cai rau txoj kev muaj sia, kev ywj pheej, thiab kev kaj siab, Cov Cai Hauv Lub Xeev no muaj xws li Ntu 252.02(3) hauv Wisconsin Cov Cai thiab haum raws li *Wisconsin Fab Nom Tswv Legislature thiab Palm, 2020 WI 42*, yuam cov nram no:

**1. Cov ntsiab lus txhais.**

- a. Pej xeem kev sib sau ua ke** txhais tau tias yog cov koom txoos, cov kev sib koom, los sis sib sau ua ke nyob rau sab hauv tsev, txawm yuav yog npaj ua ntej los sis cia li tshwm sim uas qhib rau laj mej

pej xeem thiab coj cov tib neeg uas tsis yog ib yim neeg nyob ua ib ke hauv ib lub chaw tuaj mus sib ntsib ua ke.

**i.** Cov chaw uas **qhib rau pej xeem yog xws li** tiam sis tsis tag rau:

**1.** Cov chav tsev hauv ib lub chaw ua lag luam, lub khw, lub tsev uas kheev neeg pej xeem tuaj nkag rau.

**2.** Cov koom txoos muag pib uas muaj pib pub dawb los sis pib muag rau tib neeg los sis tej qib tib neeg twg.

**ii.** Cov chaw uas **tsis qhib rau pej xeem**, thiab tsis yog ib feem ntawm kev txhais lo lus pej xeem kev sib sau ua ke thiab tsis raug kev txwv los ntawm txoj cai yuam no, muaj xws li, tiam sis tsis tag rau:

**1.** Cov chaw ua hauj lwm, cov tsev tsim ua khoom, thiab lwm cov tsev uas tsuas yog cov neeg ua hauj lwm thiab lwm cov neeg muaj cai thiaj nkag tau mus rau.

**2.** Cov koom txoos muaj ntawv caw nkaus xwb uas tsis txais cov neeg qhua tsis tau caw txog.

**3.** Cov vaj tse neeg nyob rau. Tshwj tsis yog lub vaj tse uas neeg nyob muaj lub koom txoos qhib rau pej xeem tuaj nkag tau rau; cov koom txoos zoo li no yuav txwv tsuas muaj tau txog 10 tus neeg sib sau ua ke.

## **2. Txwv txiav pej xeem cov kev sib sau ua ke.**

**a.** Kev txwv txiav pej xeem cov kev sib sau ua ke tsis kheev muaj coob tshaj 25% ntawm lub chav tsev los sis lub tsev ntim tau neeg, raws li teeb tsa los ntawm lub nroog.

**b.** Rau cov chaw sab hauv tsev uas tsis muaj kev txwv txiav ntim tau neeg pes tsawg tus rau lub chav tsev los sis lub tsev raws li tsim tsa los ntawm lub nroog, xws li lub tsev neeg nyob, txwv tsis kheev muaj coob tshaj 10 tus neeg.

**c.** Cov nram no tau kev zam ntawm cov kev txwv txiav pej xeem cov kev sib sau ua ke:

**i.** Cov chaw zov me nyuam, nrog rau tag nrho cov neeg muaj ntawv tso cai thiab ntawv pov thawj kheev zov me nyuam txhua qib hnuv nyoog los sis cov me nyuam muaj hnuv nyoog txog 13 xyoos los sis cov me nyuam muaj cov kev tsis taus

txog hnuv nyoog 19 xyoo; cov kev pab qhia ntawv Head Start thiab Early Head Start; cov kev pab zov ua ntej los sis tom qab kawm ntawv tag los sis kev pab txhawb rau txoj kev kawm hauv tshuab hluav taws xob thaum kawm ntawv yav nruab hnuv.

- ii.** Cov kev muab me nyuam tso tu xyuas nyob tawm ntawm tsev, xws li, tiam sis tsis tag rau cov chaw zov tu kho mob, cov tsev rau tej pab pawg neeg nyob, cov niam qhuav txiv qhuav tsev, thiab cov tsev nkaum tu xyuas; cov chaw muab txaj pw rau cov neeg tsis muaj vaj tse nyob thiab cov neeg hluas khiav tsev.
- iii.** Cov tsev kawm ntawv 4K-12.
- iv.** Cov tsev kawm ntawv qib siab.
- v.** Cov kev kho mob thiab kho mob rau laj mej pej xeem, uas muaj xws li: cov tuam tsev kho mob; cov tsev kho mob; cov chaw kho mob; cov chaw phais plawv rau cov teeb meem kab mob kev nkeeg kub ceev los sis txuam nrog cov kev kho tus kab mob COVID-19; cov neeg tsim ua khoom, cov kws kho tshuab, cov kws tuav tswv yim thiab cov neeg khiav hauj lwm teem khoom thiab neeg ntim khoom kho mob, cov khoom tiv thaiv tus kheej khov (personal protective equipment) (PPE), pa cua kho mob, cov kev npaj tshuaj, ntshav thiab khoom ntshav, cov tshuaj txhaj tiv thaiv, cov khoom cuab yeej ntsuas kab mob, cov khoom siv tso roj ntsha ntsuas, cov khoom ntxuav tu, tshuaj tua kab mob los yog tshuaj tsau, thiab cov khoom ntawv so ntswg, thiab ntawv so tes; cov chaw kho hniav; cov khw muag tshuaj; cov chaw kho mob pab pej xeem huab hwm, xws li cov uas chaw sau ua ke, teev ua qauv, ntsuas thiab qhia tawm cov ncauj lus txog pej xeem huab hwm kev noj qab haus huv; cov kev npaj tshuaj, khw muag tshuaj, cov ciaj thiab khoom siv kho mob thiab cov lag luam tsim khoom tshuab kho mob (xws li cov kev phais kho mob, kev tshawb fawb thiab kev tsim tsa, kev tsim ua khoom thiab kev tsim muaj khoom siv); cov lag luam tswj xyuas tshuab hluav taws xob; cov koom haum sau ntshav, roj ntsha ua kom ntshav khov, kua ntshav thiab lwm cov khoom cuab yeej tsim nyog; cov kws kho tsev me nyuam, cov kws kho poj niam chaw mos, thiab cov neeg pab poj niam yug me nyuam; cov chaw kho qhov muag, xws li cov uas muag iav qhov muag thiab cov iav plooj ntsiab muag; cov koom haum pab tu xyuas hauv tsev thiab cov chaw muab kev pab; cov chaw pab kev puas siab ntsws puas hlwb thiab quav tshuaj yeeb dej caw; cov kev pab

thiab cov tsev mus txiav tshuaj yeeb thiab dej caw los sis kev siv tshuaj kho; cov kev pab kom muab cuag cov raj koob, thiab cov kev muab tshuaj txiav yeeb naloxone; lwm cov tsev kho mob thiab chaw muab khoom kho mob txuam rau los sis txhawb rau cov kev kho kab mob kev nkeeg; cov lag luam uas thauj thiab pov tseg cov khoom kho mob thiab cov khoom cev; cov koom haum tu xyuas neeg; cov chaw pab tu xyuas tos tu siav; cov chaw kho mob sib koom tes; kev kho tshiaj; cov kws nkaug koob cua; cov kws zuaj ib ce; cov kws qoj pob txha; thiab cov tsev laus.

- vi.** Cov kev pab rau neeg pej xeem, uas muaj xws li: kev tu xyuas mus ntev thiab cov tsev neeg nyob rau kev tu, tsuav lub tsev ua raws tag nrho DHS Cov Kev Pom Zoo Kom Tiv Thauv Tau COVID-19 hauv Cov Tsev Tu Xyuas Mus Ntev thiab Cov Tsev Neeg Nyob Rau Kev Tu thiab raws li Teb Chaws Asemkas Cov Chaw Tswj Kab Mob (Centers for Disease Control) Cov Kev Pom Zoo uas tsim nyog; cov chaw thiab tsev nkaum rau cov neeg laus, cov laus neeg, cov me nyuam, cov neeg raug kev tsim txom, cov neeg muaj kev tsis taus, cov neeg quav tshuaj yeeb dej caw, los sis cov puas hlwb; cov tsev hloov mus nyob ib ntus; cov chaw haus lub tsev nyob uas muab cov kev pab rau cov tib neeg muaj kev puas ib ce, puas laj lim tswv yim, puas kev xeeb meej, cov laus neeg, cov neeg laus, los sis cov me nyuam; kev tu xyuas neeg laus thiab kev pab txhawb tu xyuas hauv tsev; cov chaw khiav hauj lwm uas muab kev pab thiab nrog ntsuas kev tsim nyog tau kev pab rau cov kev tu ncuu xws li khoom noj khoom haus, nyiaj ntsuab pab, cov chaw pab rau kev loj hlob; cov koom haum pab kev saws neeg; cov lag luam uas muab khoom noj khoom haus, vaj tse nkaum, cov kev noj kev haus, los sis lwm cov kev tu ncuu ntawm txoj kev ua lub neej rau cov tib neeg muaj teeb meem khwv noj khwv haus, cov tib neeg muaj cov kev tsis taus rau lub cev, lub hlwb los sis kev loj hlob, los sis lwm cov tib neeg muaj kev tu ncuu ntau heev.
- vii.** Cov kev khiav hauj lwm pab pej xeem huab hwm, xws li: cov chaw tsim ua khoom noj khoom haus, yais tawm khoom noj khoom haus thiab pab kom muaj noj muaj haus txaus; kev kho vaj tse; kev tswj thiab kho tsev loj; cov kev khiav tshav dav hlau thiab dav hlau; cov kev hauj lwm thiab kev tswj kho tej dej, kwj quav kwj zis, roj zeb ntsuam, thiab hluav taws xob (nrog rau kev ua hluav taws xob, kev xaim tawm, kev siv khoom los tsim ua, thiab Wisconsin Department of Natural Resources (Tuam Tsev Tswj Xyuas Kev Xeeb Txawm)-cov dej haus thiab cov chaw ntsuas dej qias pov tseg uas muaj ntawv

pov thiab zwm kev pom zoo); Wisconsin Home Energy Assistance (Kev Pab Nqi Hluav Taws Xob), Low Income Home Energy Assistance Program (Txoj Kev Pab Nqi Hluav Taws Xob Rau Neeg Txom Nyem), thiab cov chaw khiav hauj lwm rau Public Benefits Energy Assistance Program (Txoj Kev Pab Nqi Hluav Taws Xob Rau Pej Xeem Huab Hwm), cov chaw pab neeg qhua, thiab cov chaw txais npe; kev lim roj thiab roj siv rau tshuab; cov kev tsheb, kev tsheb loj, cov kev ciav hlau, thiab tsheb thauj neeg pej xeem huab hwm; cov chaw nres nkoj; cov kev khiav hauj lwm tswj xyuas kev ruaj ntseg saum huab cua; tswj xyuas dej nyab; kev sau thiab tshem tawm cov khib nyhiab thiab khoom ua dua los siv; thiab cov txheej txheem xaim internet (iv taws nej), video (viv dis aus) thiab xaim xov tooj sib txuas lus.

- viii. Lub xeev thiab nom tswv hauv xeev cov kev khiav hauj lwm thiab cov tsev ua hauj lwm, nrog rau cov chaw xaiv tsa nom tswv.
- ix. Cov tsev teev ntuj thiab lwm cov chaw hawm ntuj.
- x. Cov koom txoos tawm suab kev ua nom tswv, cov kev nthuav tawm suab, thiab lwm cov kev tawm suab uas tiv thaiv los ntawm txoj cai First Amendment (Thawj Txoj Cai Hloov Kho).
- xi. Xeev cov vaj tse khiav dej num uas tswj xyuas los ntawm Xeev Wisconsin Supreme Court (Tsev Hais Plaub Qib Siab) thiab Wisconsin Fab Nom Tswv Legislature.
- xii. Tsoom fwm teb chaws cov tsev tswj los ntawm nom tswv teb chaws.

3. **Cov kev cob thiab cai yuam kom ceev pej xeem huab hwm kev noj qab haus huv.** Xav txhawb kom tag nrho cov tib neeg ua lawv tes luag num raws kev coj kom ceev tau pej xeem huab hwm txoj kev noj qab haus huv los ntawm cov kws ceev xyuas kev noj qab haus huv, lub [Department of Health Services \(Tuam Tsev Tswj Xyuas Cov Kev Kho Kab Mob Kev Nkeeg\)](#), thiab lub [Center for Disease Control \(Chaw Tswj Kab Mob\)](#). Cov tib neeg yuav tsum ua raws cov kev cob thiab kev yuam uas tsim tsa los ntawm cov thawj coj hauv zos los sis hauv lub xeev txog cov kev tawm tsam tus kab mob COVID-19, xws li lub zos los xeev cov cai yuam kom looj cov ntaub npog ntsej muag.

#### **KEV TSWJ THIAB KEV MUAJ FEEM XYUAM**

4. **Tribal Nations (Cov Pab Pawg Neeg Qhab).**

- a. Cov kev txwv txiav no tsis muaj feem xyuam rau cov dej num ntawm tswv cuab hauv pawg Neeg Qhab uas nyob rau hauv cov ciaj ciam av Qhab thiab tsoom fwb teb chaws av uas ceev rau ib pab ntawm kaum ib pawg Neeg Qhab uas tsoom fwb teb chaw pom zoo nyob rau hauv Wisconsin, tiam sis cov tswv cuab hauv pawg Neeg Qhab yuav raug txwv txiav raws li pawg Neeg Qhab cov thawj coj.
  - b. Cov neeg tsis yog tswv cuab ntawm pawg Neeg Qhab yuav tau muaj kev hwdm thiab xyeej txoj kev mus rau cov ciaj ciam av Qhab.
  - c. Wisconsin cov nom tswv hauv xeev yuav tswj, sib koom thiab sib qhia cov ncauj lus nrog Tribal Nations (Cov Pab Pawg Neeg Qhab) hauv lawv cheeb tsam.
5. **Cov Cai Yuam Hauv Zos.** Tej zaum cov nom tswv yuav muaj cov cai yuam uas nruj dua txoj cai yuam no.
  6. **Kev Tswj.** Txoj cai yuam no yog tswj muaj txoj kev npua pej xeeb huab hwm. Wis. Stat. § 252.25; *Legislature thiab Palm*, 2020 WI 42.
  7. **Kev Tswj Nyhav Li Cas.** Yog tias pom muaj tej yam kev tswj ntawm txoj cai yuam no los sis txoj kev siv rau tej tus tib neeg los sis xwm txheej twg tsis ua hauj lwm, yuav tsis muaj feem xyuam nrog cov seem ntawm txoj cai yuam thiab yuav tsum tswj nws txuas mus ntxiv, nrog rau txoj kev siv rau lwm cov tib neeg los sis lwm cov zwj ceeb. Yog li no, cov kev tswj ntawm txoj cai yuam no yuav nyhav heev.
  8. **Caij Nyoog Kav.** Txoj cai yuam no yuav pib ua hauj lwm thaum 8:00 teev sawv ntxov thaum lub Kaum Hli Ntuj Hnub tim 8, 2020. Txoj cai yuam no yuav kav mus thawm ob lub sij hawm tswj tus kab mob COVID-19, uas yog xaus rau thaum lub Kaum Ib Hli Ntuj Hnub tim 6, 2020.

---

Andrea Palm  
 Secretary-designee  
 Department of Health Services  
 State of Wisconsin

---

Hnub tim